



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

**In Genesis Enarratio**

**Chyträus, David**

**Vitebergæ**

**VD16 C 2625**

Capvt Vigessimvqvintvm.

**urn:nbn:de:hbz:466:1-36126**

CAPVT VIGESIMVM  
MVMQVINTVM.

LOCI PRÆCIPVI.

- I. De Digamia.
- II. Testimonium de Immortalitate anime, Resurrectione mortuorum & Vita eterna, & De Sinu Abrahe.
- III. De Prædestinatione.
- IIII. De vëditione Primogeniti.

I.

DE DIGAMIA.

EXemplum Abrahæ ducentis aliam uxorem  
Cethuram, monet concessas esse omnibus pijs  
das nuptias, quæ Rom. 7. & 1. Corinth. 7. à Paulo  
pressis uerbis probantur. Disputant autem alij  
Paulum 1. Tim. 3. Cum iubet elegi Episcopum  
uxoris uirum, prohibere Sacerdotibus ne prioris  
defunctis alteras ducant. Horum perspicuam  
tationem legant studiosi in Propositionibus  
extant in I. Tomo operum Lutheri, pag. 381.

## II.

DE IMMORTALITATE  
Animæ & Vita æterna.

Diligentiſſimè expetenda eſt forma uerborum, qua Moſes de Abraham mortuo utitur. Congregatus eſt ad populum ſuum. Docet enim Animas piorum non diſſipari ut pecudum animæ euanescunt, Sed congregari & colligi ad populum ſuum, hoc eſt, in cœtum beatæ Eccleſiæ. Hinc uerba Eſaiæ cap. 56. ſumpta ſunt. Viri ſancti colliguntur, & nemo eſt qui conſiderat. Antequam ueniat calamitas colliguntur iuſti, & ueniunt in pacem, & requieſcunt in cubilibus ſuis, quia rectè ambulauerunt. Sap. 3. Iuſtorum animæ in manu Dei ſunt.

Teneant autem Studioſi in hoc loco piam & ſimplicem ſententiam, de ſede & ſtatu animarum poſt hanc uitam. Cum enim animæ piorum uiuant poſt mortem, & colligantur ad populum ſuum, neceſſe eſt, aliquod receptaculum eſſe, in quo expertes omnium malorum & beatæ uerſentur, donec ſtatuto tempore in uetus domicilium corporis renouati redeant. Id hoſpitiū excipiens animas poſt mortem uarijs nominibus in Scriptura appellatur. Luca 16. Sinus Abraham, id eſt, congregatio ſeu cœtus omnium piorum, qui fide promiſſionis traditæ Abraham ſaluti ſunt, Luc. 23. Paradifus, Sap. 3. Manus Dei. Gene.

92. & alibi *hinc* quod non significat locum damnatorum, sed locum proprium beatæ Ecclesiæ, & omnium electorum ad uitam æternam.

Hac generali explicatione, quæ plaus & scripturæ consentanea est, contenti simus, nec curiosam speciem inquiramus, sed fide obtemperemus Deo euocanti nos ex huius uitæ miserijs, & monstrum portum, in quo suauissimè acquiescimus & moriamur.

Cum autem animæ piorum uiuant, & sollicita, cumq; uita & beatitudo in actione consistat, certò nobis persuasum sit, Animas piorum a corporibus segregatas non ignauum otium agere, sed in conspectu & sermonibus Dei, ac letas Deo gratia agere pro liberatione ex miserijs, & portu quæ consecutæ sunt, & pro tota Ecclesiâ ardentissimè precari, ut Luc. 9. Moyses & Helias colloquuntur cum Christo de ijs, quæ euentura erant.

### III.

## DE PRÆDESTINATIONE.

Paulus Rom. 9. disputans, quæ sit uera Ecclesiæ Dei, & quomodo constituatur ac propagetur uia electione, uocatione, & uoce Euangelij per misericordiam propter Filium, citat huius Capituli testimonium. Rebecca, cum ex uno Isaac patre natus

grauida esset, nondum natis liberis, cum neq; boni quippiam fecissent, nec mali, ut secundum electionem propositum Dei maneret, non ex operibus, sed ex uocante dictum est, Maior seruiet Minori, sicut scriptum est, Iacob dilexi, Esau autem odio habui. Quid igitur dicemus? Num in iusticia est apud Deum. Absit. Dicit enim Mosi, Miserebor cuiuscunq; miserebor. Non igitur est uolentis neq; currentis, sed miserentis Dei.

Cum autem plurimum prosit explosis furoribus Stoicis mentes piorum recte de hac tota disputatione instrui, breuiter summam & precipua capita doctrine de electione, quam ex uerbo Dei, & preceptoribus meis, Philippo & Victorino didici, recitabo, ut pia, uera, simplex, Deo grata, & conscientie salutaris sententia & consolatio retineatur.

PRIMO discernatur uocabulum Electionis seu Predestinationis, à uicinis, ut Præscientia, Iustificatione, Dispositione, Scientia.

Electum aliàs significat sincerum, natium, non hypocriticum. Hic significat certo Dei consilio ordinatum ad uitam æternam.

Præscientia, προγνωσις, est actio mentis diuine, qua omnes res, bonas uel malas, presentes uel futuras cernit & prospicit.

Prouidentia, προνοια, simul complectitur præuisionem, & sustentationem & conseruationem nature à Deo condite.

c a Iustifi-

Iustificatio est applicatio Electionis ad hominem  
adsentientem Euangelio, per quod eligit Deus  
uitam eternam.

Dispositio est faciendorum.

Scientia, Omnium presentium, præteritorum  
futurorum, bonorum, & malorum. Vide in Mag  
stro sententiarum lib. 1. dist. 35. 38. 40.

SECUNDO. Definitio sit in conceptu  
Prædestinatio seu Electio est actio Dei  
qua ab æterno ex misericordia propria  
Filium per prædicationem Euangelij  
eligit ex genere humano Ecclesiam  
atque ita singulos in fide perseverantes  
quibus in omni æternitate suam sapi  
entiam, iusticiam, uitam, & læticiam  
communicet, & à quibus uicissim cele  
bretur.

TERTIO. Quatuor sunt fontes, ex quibus  
Electionis cognitio haurienda est.

1. Verbum diuinitus traditum per Prophetas  
Apostolos, non humana sapientia. 1. Corint. 1. Eph  
Deut. 30. Rom. 10.

2. Promissio Euangelij gratuita & uniuersalis

3. Iusticia dei seu equalitas erga omnes iuxta  
mam, quam tradidit, DEVS enim non est iniquus  
πλῆπῆς.

4. Veritas Dei, qui est & uoluntatem suam de Electione perspicuo uerbo & misso filio declarauit. Ioh. 6. Hæc est uoluntas æterni Patris, ut omnis qui uidet Filium, & credit in eum, non pereat, sed habeat uitam æternam.

QUARTO. Ex his quatuor fontibus firmissimè asseueramus. Eligi ad uitam æternam omnes, qui Euangelio credunt, & confugiunt ad Filium Mediatorem, et discedentes ex hac uita in fide perseverant.

Econtra reijci ac damnari omnes, qui aspernantur filium Mediatorem, & sine pœnitentia & fide ex hac uita discedunt.

Quod autem Electio quantum ad Dei uoluntatem in uerbo declaratam attinet, non sit particularis, sed omnes homines ad uitam æternam eligantur, & quod nemo fatali lege reijciatur, Sed singuli sibi ipsis causa sint æterni exitij, sequentia testimonia & argumenta demonstrant.

1. Iohan. 6. Hæc est uoluntas æterni Patris, ut omnis qui uidet Filium, & credit in eum, habeat uitam æternam.

2. Iohan. 3. Sic Deus dilexit mundum, ut filium suum unigenitum daret, ut omnis qui credit in eum, non pereat, sed habeat uitam æternam. Item, Qui credit in filium Dei, habet uitam æternam. Qui uero non credit in Filium, non uidebit uitam, sed ira Dei manet super eum.

3. Ioh. 6. Omnis qui audit & discit à Patre, non ad me, & uenientem ad me non eijciam foras.
4. Apocal. 14. Beati mortui, qui in Domino moriuntur.
5. Apocal. 2. Esto fidelis usq; ad mortem, & dabo tibi coronam uitæ.
6. Mandatum uniuersale est, quod præcipit ubi ri Filium, & credi Filio, Hunc audite. Osculamini Filium.
7. Promissio Euangelij est uniuersalis. Sicut ratio pœnitentiæ omnes arguit. Conclufit scriptura omnes sub peccatum, ut omnium misereatur. Ioh. 3. Rom. 3. 10. Act. 10.
8. Iusiurandum Dei, quo affirmat neminem se lege condemnari, sed unumquemq; sibi esse causam æterni exitij. Ezech. 33. Vivo ego, nolo mortem peccatoris, sed ut conuertatur & uiuat.
9. Iusticia Dei, id est, æqualitas erga omnes æquales se habentes, iuxta normam quam proposuit. Omnis qui credit in Filium habet uitam æternam. Qui autem non credit, iam condemnatus est. Act. 13.
10. Non est προσωποληψία.
10. Idem est consilium Redemptionis & Electionis. Persoluit autem filius Dei sufficiens ὁλοκλήρως pro omnibus hominibus sine ulla exceptione. Ioh. 1. Ecce agnus Dei, qui tollit peccata mundi. Ioh. 2. Est propiciatio pro peccatis totius mundi.
11. 1. Tim. 2. Deus uult omnes homines saluos fieri, & uiam

ri, vnus est Deus, & vnus Mediator Dei & hominum, Homo Iesus Christus, qui dedit semetipsum ἀντὶ πάντων ἡμῶν pro omnibus.

1<sup>a</sup>. Congruit etiam donatio Spiritus sancti & vite aeternae. Ideo enim Spiritus sanctus effunditur in pios, ut corda eorum cum Deo copulet, & initia vite aeternae in eis accendat.

Iohelis 2. Effundam de spiritu meo super omnem carnem, & omnis qui inuocauerit nomen Domini, alius erit.

QVINTO. Causa Electionis προκλήσις, ἀλλ' ἔστι sola misericordia & bonitas Dei, qua motus est, ut suam sapientiam, uirtutem, & beatitudinem Angelis & hominibus electis liberali pectore uellet communicare. Rom. 9. Non est uolentis neq; currentis, sed miserentis Dei.

προκαταρξικὴ seu Impulsiva exterior est non meritum nostrum, sed filius Dei, qui sua intercessione & obedientia Ecclesiae aeternam foelicitatem impetrauit, ut Ephes. 1. dicitur. Elegit nos in Christo antequam iacerentur fundamenta mundi. Item, Dilexit nos in dilecto. Item Ioh. 1. Ex plenitudine eius nos omnes accepimus, gratiam pro gratia, id est, diligimur à Deo, & recipimur in gratiam propter Dominum nostrum Iesum Christum, qui est in gratia aeterni Patris.

Constanter igitur reiiciantur furores eorum,  
c 4 qui

qui fingunt nostra opera seu merita esse causas pre-  
destinationis impulsivas.

Nam honor soli Deo, et filio Dei domino nostro  
Iesu Christo conueniens, non est nostris operibus tri-  
buendus.

Sunt autem bona opera cause finales Electionis  
ut Ephes. 2. scribitur, In CHRISTO sumus creati  
ad bona opera, quae Deus preparauit, ut in eis con-  
bulemus.

SEXTO. Cum dictum sit, Eos esse electos ad  
uitam aeternam, qui fide amplectuntur Christum  
Mediatorem, & in hac uita ad extremum perseue-  
rant, obijciunt mentes, Nec fidem qua apprehen-  
ditur Electio, Nec perseuerantiam, quae retinetur,  
nostra potestate esse. Quare de causis fidei, & perse-  
uerantia necesse est aliquid monere.

Sunt autem cause Fidei.

Ἀίτιον, Spiritus sanctus.

Ἐνωσίτιον, Auditio & Meditatio uerbi Dei.

Σύνοψον, Mens & Voluntas humana, renouata  
& adiuta per Spiritum sanctum, assentiens uerbo  
Dei luctans cum dubitationibus & diffidentia, &  
in promissione diuina adquiescens. Vult enim  
Deus in omnium hominum cordibus fieri hanc rege-  
nerationem per Verbum & Spiritum sanctum, im-  
ta dictum, Deus uult omnes homines saluos fieri.  
quod ad Dei uoluntatem attinet, trahit Deus om-  
nes, quia uult omnes saluos fieri, & non est app-  
ca

eum respectus personarum. Quod igitur non omnes saluantur: manifestum est culpam non in Deo esse, sed in hominibus, qui Deo trahenti per uerbum non obtemperant.

Causa autem in Deo, quod alijs patefacit Verbum, alijs non patefacit, incognita nobis esse potest. Ignota esse nequaquam potest, ut Augustinus inquit. Singula autem de sua Electione & Salute non ex humane rationis imaginationibus, sed ex solo Verbo iudicent, quod affirmat Deum omnes homines uelle saluos fieri: & Deo gratias agant, quod ipsis patefecit Verbum, & seuerissimè sibi à Deo mandatum esse, sciant, ut uerbo credant, & promissioni uniuersali se quoq; includant.

SEPTIMO. De Perseuerantia, quomodo in tanta nature nostre imbecillitate, & in tantis Diaboli insidijs, usq; ad finem perseuerare possimus, teneant pie mentes hanc consolationem necessariam, gratiam & salutarem, quæ in multis testimonijs diuinitis repetita est, de auxilio Dei reprimendis Diabolum, & de firmitate Electionis.

Iohan. 10. Oues meæ uocem meam audiunt, & sequuntur me, & ego uitam æternam do eis, nec quisquam rapiet eas de manibus meis, quia ego & Pater unum sumus.

Iohan. 14. Non relinquam uos orphanos, sed ueniam ad uos. Rogabo Patrem & alium Paracletum  
c s dabit



tia, Deum nec uelle peccatum, nec impellere uoluntates ad peccandum.

NONO. Quod in Malachia dicitur, Iacob dilexi, Esau autem odio habui, Id principaliter de u-  
triusq; posteritate intelligatur, ut congruat cum di-  
cto Christi, Si quis diligit me, sermonem meum ser-  
uabit, & Pater meus diliget eum. Nam ex uerisimi-  
libus coniecturis consentaneum est Esau conuersum  
egisse poenitentiam, & uitae aeternae heredem fa-  
ctum esse.

1. Quia reconciliatus est fratri Iacob.
2. Quia cum Iacob fuit socius funeris Isaac.
3. Quia postea non afflixit Iacob.
4. Quia ipsius posteritatem Deus conseruauit.  
Semen autem impiorum peribit.

Sed posteros Esau Idumaeos odit Deus, quia ab-  
iecerant uerbum Dei, & idolis, iniurijs, Tyrannide  
& libidinibus se polluerant.

Econtra Israelis posteritatem propter uerbi  
custodiam diligit, sicut dicitur, Diligo diligen-  
tes me.

Quod autem Paulus Rom. 9. haec uerba Prophe-  
te ugens addit, Antequam quidquid boni uel mali  
fecissent, id intelligatur oppositum esse opinioni  
Pharisaicae de merito congrui & condigni.

Dispu-

Disputat enim Paulus causam Electionis esse non merita, non primogenituram aut ullas carnales prerogativas, sed solam DE I misericordiam propter Filium fide apprehensum.

Hæc natiua sententia Pauli, sumpta ex perpetua & dextra collatione omnium membrorum in Pauli scriptis, quæ utilis est ad salutarem conscientie consolationem retineatur, nec Sophisticæ & calumniose singula uerba contra hanc mentem Pauli urgeantur.

*IIII. Locus.*

*DE VENDITIONE  
Primogenituræ.*

Magnum Priuilegium fuit Primogenituræ Ecclesia patrum. Habebant enim ius Sacerdotij Regni seu gubernationis in familia paterna, ut Genes. 49. dicitur, Ruben primogenitus, prior in Sacerficijs, maior in imperio. Præterea habebant prerogatiuam præ ceteris fratribus in diuisione hereditatis. Deut. 21. Dabit ei de cunctis, quæ habebit, dupplicia, iste est enim principium liberorum eius.

ius primogeniturae, Esau uendens polenta, imago est  
maximae partis hominum, quae praesentis uitae bre-  
uia et fugacia bona, ut uoluptates, diuitias, honores,  
pluris facit, quam doctrinam Euangelij et patrimo-  
nium aeternae uitae. Tales uerius permutant χαλ-  
ναα, χρυσείωρ ἐνατόμοισι ἀνεαθοίωρ, quam  
Glaucus apud Homerum. ιλ. 3.

## NOMINA PROPRIA XXV. CAPITIS.

Cethura קטורה Keturah thymiana, incensum à  
קטיר Kitter. Ebraei disputant esse cognomen  
Agar ancillae & concubinae Abrahae.

Filij Cethurae, à quibus alij Troglody-  
tyten & Arabiam Felicem, alij Indig  
regiones occupatas scribunt.

Zamran זמרן Zimran, Cantor, Musicus.

Iehsan יקסן Iaksan, indurabit, à קשה kascha.

Madan מדן Medan, à iudicio, uel modius.

Madian מדין Midian, modius, mensura, à מדר

Madad, uel de iudicio, à דן Dan. Ab hoc orti  
sunt Madianite, quos Gedeon profligauit. iud. 7.

Iesboch ישבק Ischbak, laudabit, laus.

Sue שוא SuaH, Orator, uel inclinans se ad oran-  
dum.

Filij

*Fily Iechsan.*

Saba שבא Seba, sedes, Iaschab.

Dadan דדן Dedan, dilectus, diligens eos.

*Fily Dadan.*

Assurim אשורים beati.

Latusim לטושים Letuschim, polientes m  
talla.

Laomim לאמים populi.

*Fily Madian.*

Epha עיפה Ephah, tenebrae, caligo.

Apher עפר Epher, puluerulentus.

Enoch חנוך Hanoch, dedicatus.

Abida אבירע pater scientiae.

Heldaa עלרעה Eldaah, Deus sciuit.

*Fily Hismael.*Nabaioth נביות Nabaioth, Prophetia, אבנא  
ba. Ab hoc Nabathæa regio dicitur à mari Ro  
bro usq; ad Euphratem.

Cedar קדר Kedar, pullatus, tenebrae, nigredo.

Abdehel אדבאל Adbeel, nubes Dei, אד  
bes, uel perditus per Deum, אד אד Ed, per  
tio, interitus.Mabsam מבשם Mibschan, aroma, suavis, אד  
בשם.

Mafma מִשְׁמָע Mifchma, fama, auditus.

Duma דוּמָה Dumah, tace.

Mafa מִשָּׂא onus. Ex bis tribus nominibus componunt Hebraei prouerbium, Maschma, Veduma, VeMafa, hoc est, Audi, & Tace, & Feras.

Adad אֲדָד Hadar, triclinium.

Thema, תִּמְאָה admirabilis, à תְּמָה Thamah.

Lichur לִיְטוּר Ietur, columna.

Naphis נִפְשׁ נִפְשׁ uiuificans, à נֶפֶשׁ Nephesch, anima, spiritus.

Cedma כְּדָמָה Cedmah, uersus Orientem.

Coram cunctis fratribus suis obiit ) Ieronymus in Questionibus Ebraicis refert, fratres pro filijs usurpari, & hoc dici, Ismaelem superstitibus adhuc & presentibus liberis omnibus obisse.

Seir שַׁעִיר Sair, hispidus, pilosus.

### Fily Isaac.

Efau עֵשָׂו operarius eius.

Iacob יַעֲקֹב Iacob, supplantator, ab עֵקֶב Ekeb, planta.

Edom אֶדוֹם rufus, rubens, ab אֶדָם.